

## Z A P I S N I K

sa 16. vanredne sjednice Senata Univerziteta održane 21.10.2009. godine sa početkom u 13,00 sati u sali za sjednice Rektorata Univerziteta u Tuzli

Sjednicom je predsjedavao prof.dr. Džemo Tufekčić – rektor Univerziteta u Tuzli.

*Sjednici su prisustvovali slijedeći članovi Senata:* prof.dr. Admedina Savković, prof.dr. Edin Delić, prof.dr. Snježana Marić, prof. Vlado Kerošević, prof.dr. Nevzeta Salihović, doc.dr. Mirela Duranović, prof.dr. Reuf Kapić, doc.dr. Amir Tokić, doc.dr. Aljo Mujčić, prof.dr. Lejla Begić, prof.dr. Zlata Mujagić, prof.dr. Branimir Mikić, prof.dr. Alija Biberović, prof.dr. Enver Halilović, doc.dr. Bego Omerčević, prof.dr. Izet Alić, prof.dr. Ramiz Šelo, prof.dr. Farid Ljuca, doc.dr. Hajro Kofrc, prof.dr. Izudin Hasanović, prof.dr. Salih Kulenović, prof.dr. Abdulah Bašić, prof.dr. Mirjana Radić, Ismet Pirić, dipl.ecc., Edin Eminović i Denis Talović, studenti.

*Sjednici nisu prisustvovali:* prof.dr. Mirsad Đonlagić, prof.dr. Srđan Vukadinović, prof.dr. Izudin Kešetović, prof.dr. Elmir Čičkušić, prof.dr. Fehim Dedagić, prof.dr. Izet Žigić, prof.dr. Muhamed Bijedić i Azra Tinjić, student.

*Osim članova Senata sjednici su prisustvovali:* Aida Hodžić, dipl.pravnik – šef Službe za pravne, kadrovske i opšte poslove, prof.dr. Avdul Adrović, prodekan, mr.sc. Boris Krešić, viši asistent, mr.sc. Zlatan Begić, viši asistent, Munir Mandra, predstavnik studenata i Mirsada Delić, dipl.pravnik – sekretar Senata.

*Sjednici nije prisustvovala:* Jasmina Berbić, dipl.pravnik – generalni sekretar Univerziteta.

Rektor Univerziteta predložio je a Senat prihvatio da se predloženi dnevni red proširi sa tačkom 4. – Tekuća pitanja i informacije, nakon čega je za ovu sjednicu utvrđen slijedeći

### DNEVNI RED

1. Donošenje Statuta Univerziteta u Tuzli
2. Donošenje Odluke o imenovanju Komisije za usklađivanje Statuta Univerziteta u Tuzli sa Zakonom o izmjenama Zakona o visokom obrazovanju ("Sl.novine TK" br. 11/09)
3. Pokretanje inicijative za izmjene i dopune Zakona o visokom obrazovanju prema zahtjevu Unije studenata Univerziteta u Tuzli
4. Tekuća pitanja i informacije
- 4.1. Informacija o imenovanim komisijama i donošenju novih rješenja

### TAČKA 1.

#### DONOŠENJE STATUTA UNIVERZITETA U TUZLI

Članovima Senata Univerziteta, uz poziv za današnju sjednicu, dostavljena je Odluka Vlade Tuzlanskog kantona broj: 02/1-38-18651/09 od 19.10.2009. godine, o davanju saglasnosti na Prijedlog Statuta Univerziteta u Tuzli broj: 03-8105-1.1/09 od 14.10.2009. godine, nakon čega je Senat Univerziteta

## ODLUKU

### I

Donosi se Statut Univerziteta u Tuzli.

### II

Tekst Statuta Univerziteta u Tuzli čini sastavni dio ove Odluke.

#### **TAČKA 2.**

#### **DONOŠENJE ODLUKE O IMENOVANJU KOMISIJE ZA USKLAĐIVANJE STATUTA UNIVERZITETA U TUZLI SA ZAKONOM O IZMJENAMA ZAKONA O VISOKOM OBRAZOVANJU ("SL.NOVINE TK" BR. 11/09)**

Na osnovu ukazane potrebe Rektor Univerziteta predložio je da se imenuje Komisija za usklađivanje Statuta Univerziteta u Tuzli sa Zakonom o izmjenama Zakona o visokom obrazovanju ("Službene novine TK", broj: 11/09), nakon čega je Senat donio

#### **2.**

## ODLUKU

### **o imenovanju Komisije za usklađivanje Statuta Univerziteta u Tuzli sa Zakonom o izmjenama Zakona o visokom obrazovanju**

### I

Imenuje se Komisija za usklađivanje Statuta Univerziteta u Tuzli sa Zakonom o izmjenama Zakona o visokom obrazovanju ("Službene novine TK" broj 11/09), u sastavu:

1. dr.sc. Hajro Kofrc, docent – predsjednik,
2. dr.sc. Farid Ljuca, vanredni profesor – član,
3. dr.sc. Mirjana Radić, redovni profesor - član,
4. Jasmina Berbić, dipl.pravnik – član,
5. Aida Hodžić, dipl.pravnik – član,
6. mr.sc. Zlatan Begić, viši ačsistent, član,
7. \_\_\_\_\_, student – član.

### II

Komisija iz tačke I je dužna izvršiti usklađivanje Statuta Univerziteta u Tuzli u roku od 30 dana od dana imenovanja.

Senat Univerziteta donio je i slijedeće

#### **2.1.**

## ZAKLJUČKE

1. Senat Univerziteta u Tuzli, je iznenađen činjenicom da su izmjene Zakona o visokom obrazovanju izvršene po hitnom postupku ("Službene novine TK" broj 11/09). To je rezultiralo pogrešnim formulacijama (ETCS, jednogodišnjeg ciklusa obrazovanja), te nemogućnošću primjene odredbi iz Zakona o izmjenama i dopunama Zakona o visokom obrazovanju TK.
2. Senat nadalje smatra nedopustivim da se ubuduće zanemaruje Univerzitet u Tuzli kao javna visokoškolska ustanova, u smislu neposrednog i punog uključivanja u donošenje izmjene i dopune propisa iz oblasti visokog obrazovanja.

### **TAČKA 3.**

#### **POKRETANJE INICIJATIVE ZA IZMJENE I DOPUNE ZAKONA O VISOKOM OBRAZOVANJU PREMA ZAHTJEVU UNIJE STUDENATA UNIVERZITETA U TUZLI**

Nakon razmatranja Zahtjeva Unije studenata Univerziteta u Tuzli broj: 01-8430/09 od 21.10.2009. godine i Informacije sa zajedničkog sastanka premijera TK, rektora Univerziteta u Tuzli, predstavnika Ministarstva obrazovanja, nauke, kulture i sporta i Unije studenata Univerziteta održanog 20.10.2009. godine, Senat Univerziteta u Tuzli donio je je slijedeće

#### **ZAKLJUČKE**

1. Nakon svestrane rasprave Senat Univerziteta u Tuzli podržao je Zahtjev Unije studenata Univerziteta da se, kroz dopunu Zakona o visokom obrazovanju, utvrdi pravo da studenti upisani na dodiplomski studij na dan stupanja na snagu Zakona o visokom obrazovanju, a koji su odslušali i ovjerali sve obaveze iz prethodne godine studija, imaju pravo upisati završnu godinu studija i bez ispunjavanja utvrđenih uslova za upis u završnu godinu studija, pod uslovom da ih u narednoj akademskoj godini sustiže generacija studenata upisana po izmijenjenom nastavnom planu i programu.
2. Senat Univerziteta u Tuzli predlaže Ministarstvu obrazovanja, nauke, kulture i sporta i Vladi Tuzlanskog kantona da pokrenu proceduru donošenja Zakona o dopunama Zakona o visokom obrazovanju u smislu tačke 2. ovih Zaključaka, koji bi se po hitnom postupku usvojio na sjednici Skupštine Tuzlanskog kantona zakazanoj za 28.10.2009. godine, na način da se prijedlog iz tačke 2. ovih Zaključaka unese u "Prelazne i završne odredbe" kao novi stav 3. člana 151. Zakona o visokom obrazovanju.
3. Ostale zahtjeve Unije studenata Univerziteta u Tuzli za upis studenata u više godine studija bez ispunjavanja utvrđenih uslova za upis (prelazak iz II u III godinu, iz III u IV, iz IV u V na Farmaceutskom fakultetu i iz V u VI na Medicinskom fakultetu), Senat Univerziteta nije podržao iz razloga što je, na osnovu prezentiranih podataka od strane dekana svih fakulteta/Akademije o izvršenoj ekvivalenciji starih i novih nastavnih planova i programa, utvrđeno da ne postoji razlika u broju predmeta koje bi studenti, koje je sustigao novi nastavni plan i program, morali polagati, odnosno da na manjem broju fakulteta razlika ne prelazi 5%, čime se nisu stvorile pretpostavke za podržavanje ovih zahtjeva Unije studenata.
4. Ovim Zaključcima prilažu se Zahtjevi Unije studenata broj: 01-8430/09 od 21.10.2009. godine.

**TAČKA 4.**  
**TEKUĆA PITANJA I INFORMACIJE**

**4.1. Informacija o imenovanim komisijama i donošenju novih rješenja**

Rektor Univerziteta informisao je Senat da su u aprilu 2009. godine imenovane komisije i podkomisije za izradu normativnih akata i da je potrebno izdati nova rješenja istim komisijama za izradu:

- Pravilnika o organizovanju dodiplomskog, postdiplomskog i doktorskog studija Univerziteta u Tuzli,
- Pravilnika o vrsti, načinu i rokovima raspoređivanja vlastitih prihoda Univerziteta u Tuzli i
- Pravilnika o radu Univerziteta u Tuzli.

Drugih pitanja i informacija nije bilo pa je sjednica Senata Univerziteta u Tuzli završena u 17,00 sati.

**ZAPISNIK SAČINILA**

**PREDSJEDNIK  
SENATA UNIVERZITETA**

**Mirsada Delić, dipl.pravnik**

**Dr.sc. Džemo Tufekčić, red.prof.**

**UNIVERZITET U TUZLI**  
**Broj: 03-8409-1/09.**  
**Tuzla, 21.10.2009. godine**